

DOMINO DESIDERABILI ET VERE BEATISSIMO DAVID REGI FLACCUS ALBINUS SALUTEM. 800?

Dum vestrae potentiae gloriosam sublimitatem non periturae Chaldaeis flammis Hierusalem imperare scio, sed perpetuae pacis civitatem pretioso sanguine Christi constructam regere atque gubernare, cuius lapides vivi de caritatis glutino colliguntur et 1. Petr. 2, 5. caelestis aedificii ad^a altitudinem ex diversis virtutum gemmis muri consurgunt — de Apoc. 21, 8. qua psalmista ait: 'Diligit Dominus portas Sion super omnia tabernacula Iacob'; et Ps. 86, 2. alibi: 'Mons Sion, latera aquilonis, civitas regis magni' — unde ego^b, minima quae-ib. 47, 3. dam huius civitatis portio, sub tegmine pietatis vestrae constitutus, ad iocunditatem animi vestri debita servitute saepius litterulas^c dirigere studeo, officiale devotionis nostrae munus, non necessarium abundantiae vestrae; cupiens vulnerati animi maerori^d per vestrae consolationis benignitatem mederi. Quia saepius probavi familiarem mansuetudinem sublimitatis vestrae humilium doloribus conpati.

¹ Nam et ipse Dominus, totius fons consolationis et salutis, cum flentibus flevit Ioh. 11, 35. 43. amicum¹, quem suscitaturus venit, aliorum dolori iuxta humanitatis affectum^e con- passus magis, quam amici mortem lugens; maxime, quia eundem eadem^f hora victurum praesciebat. Filii^g Israel^h Moysenⁱ lugebant; sed in lege, non in evangelio. Ideo Deuter. 34, 8. Iesus² propter sacramentum nominis non legitur lacrimis populi prosecutus esse^k; sed quasi victurus iterum post mortem in exordio Iudicum iuxta historiae ordinem re- praesentatur³.

²⁰ Luctus sapientis unius¹ est diei; impii autem omnes dies vitae suae. Separatio^m quaedam familiaritatis humanae, non perditio plangitur in sapiente; in impio aeterna perditio perpetuo luctu proseguenda est.

Vivitⁿ vero pater in filio, magister in discipulo, amicus in amico, si morum dignitas et sapientiae nobilitas permanet in posteris. Quid^o, si in miseriam humanae conditionis animae^p filius moritur ante patrem^q in flore iuventutis? Tollitur iustus, Eccli. 37, 21; Sap. 4, 11. ne malitia inmutetur cor eius. Iudicia Dei abyssus sunt multa. Nil^r sine causa erit Ps. 35, 7. in mundo; nec unus passer cadat in laqueum aucupis sine patre nostro, qui in caelis Cf. ib. 123, 7. Matth. 5, 16. est; non capillus de capite perit. Non enim nobis luctum incutere debet, cum quis- Luc. 21, 18; Act. 27, 34. libet carus noster a peregrinatione pergit ad patriam, a morientibus ad viventes, ab exilio ad regnum. Consolatio nostra fiant verba veritatis: 'Qui credit in me, si mor- Ioh. 11, 25. 26. tuus fuerit, vivet; et omnis qui vivit, et credit in me, non morietur in aeternum'.

Proinde sciamus caros⁴ nostros^s in operibus caritatis morientes Deo vivere et saeculo mori^t. Qui operibus misericordiae cotidie Christo cum apostolo dicunt: 'Cupio Philipp. 1, 23. dissolvi et esse cum Christo'. Felicius vadat^u qui amicos relinquit^v superstites^w sibi, quam qui superstes^x erit amicis⁵. Mors boni hominis migratio est ad meliorem vitam, Cf. Ioh. 5, 24. quae non est plangenda, sed congratulanda⁶.

^a) ad addidit J. ^b) ergo L. ^c) litteras L. ^d) maeroris T, L. ^e) affectum T. ^f) om. T.
^g) fili T. ^h) Israhel L. ⁱ) Moysem T. ^k) sic. ^l) sapientis simus T. ^m) sed paratio T.
ⁿ) Vinit T. ^o) qu L. ^p) mae T. ^q) pa L. ^r) nihil L. ^s) cetera desunt in L. ^t) morire T.
^u) vadeat T. ^v) relinquit T. ^w) suprestites T. ^x) seiperstes T.

et erit dux belli? *spem novae victoriae a Deo datam esse. Cum hoc ita sit, quam gravem calamitatem illam duxerint, ex initio huius epistolae arbitrari licet; ibi enim Alcvinus Carolo asseverat, scire se eum non periturae Chaldaeis flammis Hierusalem imperare, sed perpetuae pacis civitatem — regere. Cf. etiam supra ep. 185 p. 310: Non solum hoc damnum plangimus; sed maioris periculi signum time-*
⁴⁵ *mus. J. De hac Jaffei coniectura dubitavit Simson, Jahrb. des fränk. Reiches unter Karl dem Gr. II, 199, cui assentior. Sickel (Alcuinstudien I. I. p. 514) Jaffei opinionem de temporis nota (799 Oct. Nov.) probavit.*

1) Lazarum. 2) Iosua. 3) In exordio libri Iudicum (1, 1. 2) haec leguntur: Post mortem Iosue consuluerunt filii Israel Dominum, dicentes: Quis ascendet ante nos contra Chananaeum et erit dux belli? Dixitque Dominus cet. 4) V. supra p. 326 n. 7. 5) Cf. supra ep. 105 p. 152: Si duo sunt amici, felicius est mors praecedentis, quam subsequentis. 6) Cf. Visionem Wettini (Poet. Carol. II, 274) c. 27: De Gerolto etiam quondam comite dixit idem angelus, quod in requie esset gloriae martirum adaequatus. Zelo, inquiens, Dei in defensione sanctae ecclesiae infidelium turbis congressus temporalis vitae dispendia est passus et ideo aeternae vitae est particeps factus. J.